



**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput XXXIV. Nullo Modo licet inducere aliquem ad mutuandum sub usura;  
licet tamen ab eo qui paratus est hoc facere, & usuram exercere, mutuum  
accipere sub usura, propter aliquod bonum, quod est ...

---

[urn:nbn:de:hbz:466:1-73203](https://nbn-resolving.de/urn:nbn:de:hbz:466:1-73203)

carentiam non restituet, adeoque poenam solvet. 3°. si parum cureret de potentia mutuatarii ad restituendum tempore praefixo, sed vel unicè, vel principaliter curet de lucro suo. Istud namque signum est animi usurarii: utpote lucrum intendentis principali ex mutuo, ut notat Glossa in can. plerique 14. q. 5. & Innocentius in cap. suam de poenit.

401 Dixi 2°. dummodo servetur aequitas in poena, tam scilicet in constitutione, quam in solutione ipsius. In constitutione quidem, ut constitutio fiat ex mutuo consensu, servata propositio inter poenam & culpam. Alias poena censemur in usuram pallium constituta, non in contractus firmitatem. In solutione vero poenae aequitas postulat 1°. ut integrè non exigatur, si fors ex parte restituta fuerit mutuanti. 2°. ut non exigatur, nisi propter moram culpabilem: quia non est dignus poenam, qui non est in culpa. Per consequens requiritur, ut debitor non sit in impotentiā ad solvendum tempore praefixo: si enim sine culpa sua factus est impotens, non est licitum aliquid ab eo exigere, inquit S. Antoninus p. 2. tit. 1. c. 7. §. 33. 3°. aequitas postulat, ut poena non exigatur, nisi propter moram utcumque notabilem, quæque non reputetur moraliter quasi pro nulla (spectatā negotii qualitate, receptaque consuetudine) non exigatur proinde pro mora unius diei, vel hebdomadæ, communiter loquendo, nisi damnum inde emergat mutuanti, vel notabile lucrum cessans.

## CAPUT XXXIV.

*Nullo modo licet inducere aliquem ad mutuandum sub usura; licet tamen ab eo qui paratus est hoc facere, & usuram exercere, mutuum accipere sub usura, propter aliquid bonum, quod est subvenit sua necessitatibus, vel alterius.*

402 **V**erba sunt S. Thomæ q. 78. a. 4. ubi utramque partem probat, quia inducere hominem ad peccandum, nullo modo licet; ut tamen peccato alterius ad bonum licitum est; quia & Dominus utitur omnibus peccatis ad aliquod bonum: ex quo libet enim malo elicit aliquid bonum, ut dicitur in Enchirid. c. 11. Et idèo Augustinus Publicolæ querenti, utrum liceret uti juramento ejus, qui per falsos deos jurat (in quo jurans manifestè peccat, eis divinam reverentiam adhibens) respondit, quod “qui utitur fide illius, qui per falsos deos jurat, non ad malum, sed ad bonum, non peccato illius se sociat, quo per dæmonia juravit, sed paeto ejus bono, quo fidem servavit; si tamen induceret eum ad jurandum per falsos deos, peccaret.” Ita etiam in proposito dicendum est. Sicut etiam licet ei, qui incidit in latrones, manifestare bona quæ

habet (quæ latrones diripiendo peccant) ad hoc quod non occidatur, exemplo decem virorum, qui dixerunt ad Ioseph: Noli occidere nos, quia thesauros habemus in agro, ut dicitur Hierem. 41.

Cæterum duæ conditions necessarie 403 sunt, ad hoc ut licitum sit petere mutuum ab eo qui cognoscitur datus sub usura. Prima est ex parte mutuarii, ut ad mutuum à tali homine petendum compellatur propriæ, vel proximi necessitate, notabilivè utilitate: hoc est enim quod significant allata verba S. Thomæ, *proper aliquod bonum, quod est subvenit sua necessitatibus, vel alterius.* Quod autem necessitas ista vel utilitas esse debeat notabilis, ratio est, tum quia confertur interpretatiè velle peccatum proximi, qui absque causa notabili occasionem ipsi præberet peccandi. Tum quia cura divini honoris, sicut & salutis proximi, non permittit pro levibus commodis temporalibus ipsi (licet ad peccandum parato) peccati hic & nunc exquendi occasionem præbere, quod sine ea non exqueretur. Quamvis enim usurarius semper paratus sit peccare; quod tamen hic & nunc peccatum exequatur, ex oblatione accedit occasione.

Ex quo Sylvius q. 78. a. 3. cum Everardo, Richardo, Gabriele, &c. benè concludit, eos qui absque necessitate, vel utilitate magna, petunt ab usurario mutuum, v. g. propter ebrietates, pompas, ludos, aliaq' causas illicitas, vel superfluas, à peccato non excusari. Si id ob causas superfluas licitum non sit: non igitur præcise ad acquirendas divitias superfluas.

Secunda conditio est ex parte mutuantis, 405 ut mutuum, etiam ex necessitate, sub usura non accipiat, si præstò sit aliis, qui absque usura dare velit. Et si in necessitate præstò sit ad usuram dare paratus, ad usuram non accipiatur à non parato. Quia caritas in Deum & proximum dicitur, avertendam Dei offendit, proximumque peccatum, dum facile potest. Et ideo Doctores Sorbonici 6. Julii 1671. duplice ex capite condemnarunt quempiam, qui mutuum centum scutorum sub usuris acceperat. 1°. quod sine magna necessitate id fecisset. 2°. quod illud accepisset ab Ecclesiastico, ad id non parato, nec usuras exercere solito.

Alexander quidem III. cap. *super eo de 406 usuris, interrogatus, an pro redemptione captivorum apud Saracenos liceret pecuniam ad usuram accipere, & ut vellet super hoc dispensare, respondit: Cū usurarum crimen utruque Testamenti pagina detestetur; super hoc dispensationem aliquam fieri posse non videmus: quia cū Scriptura sacra prohibeat pro alterius vita mentiri; multò magis prohibet pro redimenda vita captivi, usurarum crimen involvi. Sed per hoc assertiōnē S. Thomæ non improbat, sed solam praxim eorum, qui licitum putabant senerari ob*

piam causam. Quia in sensu obvio nihil amplius sonant verba ipsius.

## C A P U T XXXV.

**Q**ui bona fide contractum fecit usurarium, quem si scivisset non esse justum, alium fecisset contractum justum, v. g. societatis, non potest auctarum supra sarem retinere titulum lucri cessantis ex tali justo contractu, si ab initio nullo modo cogitaverit de isto alio contractu justo.

**C**ontrarium afferunt Sa verbo *usura* n. 8. **T**annerus h̄c q. 4. disp. 7. dub. 3. San-starellus q. 46. p. 1. Verricelli qq. Moral. tr. 4. q. 2. Tamburinus l. 8. in Decal. tr. 3. c. 8. §. 3. n. 21. Diana p. 11. tr. 7. re-fol. 24. Quia dum bona fide contrahit, & absque voluntate contrahendi sub usura, im-plicitē vult alium inire contractum justum, ex coquē percipere lucrum. Sed contrā : 1°. si à principio nullo modo cogitaverit de alio contractu justo, quomodo implicitē eum voluit, cūm nihil volitum, quin præcogni-tum?

**408** 2°. alius ille contractus iniri non potest absque consensu mutuarii, qui censi ne-quit consentire ad solvendum intereste lu-cri cessantis ex alio contractu, si hoc nullo modo fuerit ipsi propositum, sed solum mutui pretium.

**409** 3°. contractus justus, v. g. societatis, nullo modo includitur in contractu usurario quem fecit. Igitur absque fundamento dicitur voluisse jutum, dum bona fide vo-luit injustum, seu usurarium. Quod enim bona fide faciens contractum injustum, idē faciat, quia credit justum, & sic habeat af-fectum ad justitiam. Nihil est. Quia aliud est habere affectum ad justitiam existima-tam contractus usurarii; aliud ad justitiam veram contractus societatis v. g. in illo non inclusi; nec qui vult primum, implicitē vult secundum.

**410** Quod etiam usurariè mutuans, ut suprā, animo ita affectus sit, ut si sciret usurariè se contrahere, alio modo justo contrahere vellet. Ipsum non magis juvat. Quia condicio-nalis illa nihil h̄c & nunc ponit in re. Alias similitatione lucrum retinere posset, qui malā fide contractum usurarium iniūsset; saltem in casu quo modo justo contrahere voluerit, si eum cognovisset.

**411** Admittit quidem hoc Verricelli loco ci-tato. Sed quā probabilitate, ipse viderit: si enim ito casu excusabilis esset, omnis u-surarius excusari posset, omneque ex contra-etu usurario lucrum palliare: cūm nullus sit usurarius contractus, qui alio justo modo cum eodem vel alio contrahente fieri non potuisset.

**412** Denique Authores, quos impugnamus, frustrā allegant venditorem, qui bona fide vendidit aliquid pretio plus vel minus justo

(v. g. duodecim, vel octo quod valer de-cem) posse contractum reducere ad justum. Hoc enim ideo potest, quia contractus ille ex toto non fuit injustus, sed ex parte dun-taxat. Cui nihil simile in praesenti.

## C A P U T XXXVI.

*Ab usura liberi sunt Montes Pietatis, tam Ita-lici, quam Belgici, & mixti.*

**M**ons Pietatis est notabilis cumulus pe- 413  
cuniarum, vel alterius rei mutuabilis, v. g. frumenti, collectus ad subveniendum necessitatē indigentium, per mutuum, & ad impediendum ne usuriis opprimantur. Alius est collectus ex puris eleemosynis, alius col-lectus ex pecuniis ad censem levatis; alius mixtus, sive collectus partim ex eleemosy-nis, partim ex censibus.

Montes Pietatis primi generis originem 414  
habuerunt Perusii, in Italia, & ideo *Italici* vocantur. Ibi namque quidam Concionatores hortati sunt fideles, & Magistratus, ad subveniendum necessitatibus pauperum, per pias eleemosynas, & legata, ex quibus con-flaretur notabilis pecuniarum cumulus, qua mutuo sub certis darentur conditionibus. Quarum 1<sup>a</sup> erat, ut mutuum solis daretur pauperibus istius loci. 2<sup>a</sup>. ut in certa dunta-xat quantitate, v. g. non ultra centum li-bras. 3<sup>a</sup>. ut nonnisi ad certum tempus, v. g. ad annum. 4<sup>a</sup>. ut mutuarii darent pig-nus, ne cumulus defectu restitutionis sortis exhaustiretur. 5<sup>a</sup>. ut aliquid insuper moderatum solverent pro expensis Ministrorum, quibus cura esset Montes custodiendi, pig-nora recipendi, & suo tempore restituendi, atque ex prefato cumulo indigentibus prom-p̄te mutuandi. 6<sup>a</sup>. ut, si fors præfixo tem-pore non restitueretur, pignora venderen-tur, detractisque forte, ac stipendio Ministro-rum, residuum pretiu mutuariis restitue-retur.

Dictarum eleemosynarum defectu alterius 415  
generis Montes anno 1616. sub Principibus Alberto & Isabella in Belgio erēcti sunt, ex levata utique (ex indulto Principum, ac Magistratum) ingenti summa pecuniarum ad censem annum, ex quibus per mutuum cuivis subveniretur indigenti, cum onere pendendi aliquid, tum pro solutione cen-sum, quibus Mons gravaretur; tum etiam pro expensis Ministrorum, erectione, & reparatione domus, &c. Et isti vocantur *Mon-tes Belgici*.

Inventus est alius quoque modus subve-niendi pauperum indigentiae per menas, ut vocant, sc̄nebres Mercatorum, seu Lombardorum, qui, habitā facultate Principum, pu-blicam aperiunt mensam, ex notabilique summa pecuniae proprie, alias in censem justum, vel negotiationem applicandæ, cuivis indi-genti mutuum præstant, sub iisdem ferē con-ditionibus, quae seruantur in Montibus Pie-